

新疆圖志卷一百十五

兵事一

聖清既有天下西陲特險遠阻兵事屢見其尤大者曰平定準逆
 曰平定張逆曰平定妥逆初元之亡也蒙古分爲三大部漠南蒙
 古漠北喀爾喀蒙古皆成吉思汗之裔惟居西域者其後出脫歡
 大師及也先瓦刺可汗是爲厄魯特一作額魯特四衛拉蒙古衛拉即瓦拉之轉音四衛
 拉者卽綽羅斯特即準噶爾牧伊犁都爾伯特牧額爾齊斯白土爾扈特牧雅爾和碩特牧烏魯木齊
 也明末和碩特固始汗一作額實汗襲據青海率師南侵滅藏巴汗而有
 其喀木之地綽羅斯特則據伊犁兼脅旁部與喀爾喀鄰尤以強
 著康熙中有噶爾丹者一作噶爾旦一作額諾德一作噶勒丹殺其兄子索諾木阿拉布坦自
 立爲博碩克圖汗性兇狡桀黠有智謀先取和碩特車臣汗女旋
 襲殺其汗而兼有四衛拉復南摧回部城郭諸國威令所至覃及
 衛藏乃潛謀北并喀爾喀各部自伊犁東徙帳阿爾泰山使杜爾
 伯特部衆屯田且耕且牧會喀爾喀土謝圖汗執殺札薩克圖汗

新疆圖志

兵事一

而奪其妾三部內鬩我

朝使使和解噶爾丹遣其族人多爾濟札布趨覘其變故使嫚罵
 土謝圖汗被殺噶爾丹揚言借俄羅斯兵復仇土謝圖汗弗之備
 康熙二十七年夏噶爾丹率勁騎三萬踰杭愛山一作杭海山一作沱海山突襲其
 帳豫伏刺麻千人牧其地至是應之士謝圖汗子噶爾丹台吉倉
 卒拒戰敗而東走噶爾丹乘勝擊破其鄰部右翼車臣汗左翼札
 薩克圖汗劫大刺麻哲卜尊丹巴一作澤卜尊丹胡圖克圖之帳於是土謝
 圖等三汗部落數十萬衆棄牲畜帳幙東奔漠南乞入塞以避其
 難會噶爾丹亦遣使入貢

聖祖諭令還喀爾喀侵地噶爾丹不奉

命益驕蹇徵諸屬國控弦之士至數十萬將圖大舉二十九年以

追喀爾喀爲名選銳東犯沿途肆掠五月至烏爾會河一作烏爾揮一作吳兒會又兒灰一作吳兒會又

一作烏勒輝游牧記謂即今之和里河聖武記擬作烏爾匝河者誤也時尙書阿爾尼一作阿喇尼奉

命備邊以蒙古兵擊之令喀爾喀奪還所掠喀人務爭取陣亂噶

爾丹乘之大敗之長驅至內札薩克將入犯七月辛卯

聖武記作六月按名臣傳均作七月

聖祖下詔親征命撫遠大將軍裕親王福全為右翼出古北口安

北大將軍恭親王常甯為左翼出喜峰口右翼兵遇賊烏朱穆沁

一作烏朱穆秦戰不利準逆南驅入烏蘭布通

上改命康親王傑書等屯歸化城邀其歸路而以右翼兵擊逆於

烏蘭布通八月己未朔我師與賊隔河而陣賊數萬騎陣山下依

林阻水以萬駝縛足臥地背加箱堞蒙溼氈環列如柵士卒伏堞

隙發矢銃備鈎距謂之駝城我師為泥淖所阻遙以火器攻中堅

自晡至暮駝多斃且仆陣斷為二步軍出爭先陷陣左翼兵下山

衝入遂破其壘賊眾大敗噶爾丹佯使乞和潛由潢河載木橫度

越大磧山而遁賊既喪輜重失負駝沿途饑蹙死者殆盡惟餘數

千人還科布多

一作科卜多一作闊別列一作和卜多

是為烏蘭布通之捷三十三年噶爾丹復出兵侵掠喀爾喀且陰遣人誘內蒙古各部叛歸己科爾沁土

謝圖等汗以聞

新疆圖志

兵事一

上密令復書偽許內應誘之至預調士馬芻糧以待明年噶爾丹

率三萬騎入寇至哈密費揚古遣兵往禦之噶爾丹西竄圖拉河

沿克魯倫河

一作土刺河一作土臘河一作忝兀刺河

元史作魯連亦作魯魯連游牧記作喀魯倫

而下侵掠至巴顏烏蘭

一作巴顏烏喇亦名

布呼察山懲於前敗莫敢深入三十五年二月甲午

上復親征命將軍薩布素率東三省兵出東路遏其衝大將軍費

揚古振武將軍孫思克率陝甘兵出甯夏西路截其歸路

上親統大軍出獨石口約期度瀚海三路夾攻五月次科圖時東

路軍未至費揚古等奏言沿途燬於賊宿草無存糧運復為雨阻

士馬困餒乞緩軍以待大學士伊桑阿亦力諫不聽曰朕祭告天

地宗廟以出不見賊而返何以對天下且大軍一退賊盡銳注西

路西路之軍不其殆乎遂率兵疾趨克魯倫河先遣使噶爾丹告

以駕至俟其驚擾而後乘之噶爾丹登北孟納蘭山

一作孟納爾山

見黃幄

龍纛軍容山立大驚而遁癸亥

上率前鋒追至拖諾

一作拖凌

山不及而還賊西奔沿途失老弱輜重費

揚古邀擊於特埒勒濟口一作特勒爾濟口破之費揚古曰賊雖敗而騎兵且

萬人皆百戰之卒我軍饑疲不可以逞乃遣碩岱率前鋒四百人

挑戰僞却以誘之而自率左右翼伏於昭莫多一作招莫多一作招穆多一作昭磨多一作昭木多蒙古語大樹林也即

明成祖破阿魯台地在肯特嶺之南土臘之河北汗山之東為自古漠北戰場其地林木森茂北倚大山左右兩崖如削中

開平川袤數里河流其間曲折環繞其南山差抵於北漸陁而下

有小山橫焉狀若馬鞍高可二十仞戰地也前軍與賊遇佯敗走

賊恃勝轉鬪將爭小山將軍孫思克先登賊蔽東崖下發礮上擊

揚古令河西兵居中滿洲蒙古兵居左右翼及戰甯夏兵千人居

左甘涼兵千人居右皆登巔以陣其右衛西安諸滿兵分列甯夏

甘涼兵左右在山下川中及南山之足而蒙古札薩克諸兵又分

列滿兵左右賊爭小山衝中堅我兵下馬發子母礮疊擊之噶爾

丹躬冒矢銃鏖戰至暮揚古遙望賊陣後一軍屹立不助戰知其

為婦女輜重也乃麾沿河伏騎一出林木中橫衝賊陣一南繞出

陣後劫其輜重賊陣亂山上軍控矢而下呼聲震天賊衆披靡墮

新疆圖志 兵事一 三

山者塞阮谷逐北三十餘里是役也殺賊數千級降三千餘人獲

馬駝牛羊廬帳器械無數並殪噶爾丹之妃可敦一作阿奴一作阿努水道哈屯記注云梁份西

薩今略載噶爾丹傳阿努乃僧格之妻噶爾丹之嫂僧格為七清所殺阿努乃歸於噶爾丹惟準逆將數十騎以遁時康熙三十五年

夏五月也噶爾丹既失喀爾喀地而伊犁舊巢又為兄子策妄阿

拉布坦游牧記作阿賴下灘作策妄喇布坦西征紀略作澤旺喇滿坦所并自阿爾泰山以西皆非已有又連

年構兵精銳盡喪回部青海哈薩克亦隔絕叛去窮無所歸竄翁

金一作翁錦一作囊金河掠西軍餘糧為副都統祖良璧西征紀略作祖良弼擊敗

上乘其窮蹙諭青海諸台吉與策妄阿拉布坦協擒噶爾丹遣使

携其黨羽康熙三十六年二月丁未

上幸甯夏命馬思哈費揚古兩路進兵時噶爾丹使子塞卜騰巴

珠徵糧哈密為回人擒獻其親信諸台吉聞大兵至望風歛附請

密導深入而策妄阿拉布坦亦伏兵阿爾泰山爭擒以獻功噶爾

丹進退無地旦夕將就俘仰藥死策妄阿拉布坦者僧格一作僧格桑之

次子噶爾丹之姪也初噶爾丹之殺僧格長子而據汗位也策妄

阿拉布坦偕其父舊臣七人逃居吐魯番遣使乞降

聖祖卵而翼之策妄乘噶爾丹敗衄之際潛回伊犁游牧博羅塔

拉河一作波羅塔河用其七友招集散亡闢地至額爾齊斯河一作喀爾濟斯河一作鄂爾濟斯河一作格爾齊斯河

遂有準部大半及噶爾丹窮蹙自盡策妄阿拉布坦奪獻其尸

求首功

聖祖畫阿爾泰山以西至伊犁為游牧地於是復成西域一大部

落策妄既有準部踵噶爾丹所為思吞并四部為一先取土爾扈

特阿玉奇汗女密間其子携衆萬五千戶至而沒入之旋阻其貢

道禁入藏熬茶阿玉奇遂率全部投俄羅斯時有和碩特之拉藏

汗者居唐古忒一作唐古特地即顧實汗一作固始特之裔也有子二長名丹衷

由唐古忒回厄魯特阿睦爾薩納妻與女旋以計殺之乃潛師入

藏襲殺拉藏汗並其次子之在青海者其杜爾伯特向從策妄分

牧額爾齊斯河久為所屬至是土爾扈特和碩特二大部落均為

所并遂自立為汗五十四年四月策妄阿拉布坦侵掠哈密

新疆圖志

兵事一

四

上勅西安將軍席柱甘肅提督師懿德率兵往勦富甯安總統全

軍時賊兵二千餘逼哈密城駐防哈密游擊潘至善西域圖考作潘之善名臣傳作潘之善督

綠旗兵二百擊斬賊兵九十生擒三人賊解圍潰走五月富甯安

席柱奏言吐魯番接壤哈密為準噶爾咽喉要地大兵宜駐巴里

坤從天山後烏蘭烏蘇進兵闢展一作皮禱以規取吐魯番為進勦之策

上從其議富甯安尋

詔還肅州經理糧馬五十六年二月朔丙戌授富甯安靖逆將軍

駐巴里坤會同振武將軍傅爾丹副將軍祁里德一作奇里德分界備戰

六月富甯安赴烏魯木齊一作烏布木齊擒回賊百六十有九獲駝馬牛羊

無算七月至畢留圖賊越山而遁乃還師五十九年七月丁卯克什圖傳

富甯安進兵烏蘭烏蘇檄侍衛哲爾德克什圖阿玉錫等分道

擊擒阿克塔斯一作阿克坦斯哨卒望風竄遁奪伊勒布爾和碩谷中賊馬

百餘破所踞山隘獲台吉垂木珀爾斬賊三十餘生擒廿四人別

遣散秩大臣阿喇納一作阿爾納等諭降闢展城進擊吐魯番降其酋長

十月富甯安疏稱賊窮蹙乞降爲緩兵計宜乘勝直搗其巢臣所
統巴里坤固原甘肅兵萬有七千請以八千人出額林哈畢爾噶

一作額林
哈畢爾噶

旨暫緩進剿明年春策妄遷吐魯番回人脅之行回人多中道遁
回駐魯克齊木衆萬餘擊敗賊所遣宰桑和勒博斯額木齊兵推
托克托馬木特爲首乞內附富甯安以

聞詔以阿喇納率兵二千駐吐魯番收撫其衆九月阿喇納奏請
於初冬雨雪乘賊無備襲擊巡以冬寒

諭止之庚午賊犯吐魯番阿喇納使侍衛克什圖迎戰阿喇納兵
分三隊衝擊之賊敗入林中舍騎步戰多斃於礮者盡棄軍械馬
匹遁我兵追捕數十里捷

聞授阿喇納副將軍仍駐吐魯番六十一年二月

名臣傳作
正月誤

詔議勦賊機宜阿喇納奏言賊進退雖熟踪跡甚輕火器雖多鉛
藥甚少我軍慮周而器備勝賊者一賊恃鎗戰少弓箭我軍鋒銛

新疆圖志

兵事一

五

弓勁勝賊者二賊衆臨陣易敗惟伺隙劫掠我軍部伍肅整無間
可乘勝賊者三賊以乘夜盜馬爲得計我軍有備賊不得入勝賊
者四賊侵我邊外曠地游牧我軍一至則顧戀妻子牲畜不能一
心迎戰勝賊者五若及時儲糧練兵以勁旅直搗伊犁則掃穴擒
渠其功立就惟賊徑甚多處處可以通我駐兵後路賊來一夕可
至若遠設汎界一被攔截消息輒阻而吐魯番屯糧之地亦須防
賊踐擾請移巴里坤阿爾台兩路大兵駐烏魯木齊臣等移駐附
近吐魯番險要之地彼此接應守護屯田並斷賊人潛襲之路其
進剿則兵分三路阿爾台兵由科布多沿河越額爾齊斯河巴里
坤兵由烏魯木齊吐魯番兵由阿勒輝

一作阿爾輝
一作阿拉葵

口越那蘭特

一作那蘭
特一作納

嶺賊分則易敗若一路拒戰則我以一軍奮擊兩軍直抵其

喇特一作
那魯特

屯駐之地彼必不能兼顧且賊所恃爲險要者三嶺也然步行可
上非若棧道之難其恃以資生者牛羊乳酪也然久駐則水草無
多牲畜易竭雖散之勢可立而待疏下議政大臣韙其言是年進

軍烏魯木齊會哲卜尊丹巴胡圖克圖代為請罪

上因使宣諭之令自戢漸徹西師惟於哈密巴里坤吐魯番諸處留兵防戍而已時叛賊羅卜藏丹津兵敗投歸準夷

朝廷索獻不奉

詔然亦不敢犯邊雍正五年冬策妄阿拉布坦死子噶爾丹策零立狡黠好兵如其父屢犯邊

命傅爾丹為靖邊大將軍出北路屯阿爾泰山命岳鍾琪為甯遠大將軍出西路屯巴里坤明年三月羅卜藏丹津謀殺噶爾丹策零事覺被執噶爾丹策零遣使奉表請獻

上諭兩大將軍來京授方略以提督紀成斌副將軍巴賽護理軍務哈密巴里坤之間有庫舍圖一作科舍圖蒙古語謂碑為庫舍以嶺有唐碑故名牧場者當賊來路紀

成斌不設備策零潛遣騎兵二萬人乘虛劫之總兵樊廷副將冶大雄以二千兵拒戰總兵張元佐率援軍夾擊之力戰七晝夜賊始退奪回駝馬強半

新疆圖志

兵事一

六

詔獎樊廷降紀成斌為副將命北路副將軍查弼納馳赴西軍調滿洲蒙古兵萬餘赴瀚海以衛內蒙古十二月傅爾丹還軍營九年五月戊辰移營科布多六月噶爾丹策零發兵三萬令大策凌敦多卜小策凌敦多卜一作策凌敦多卜等分領由阿爾泰山奇蘭一作奇喇犯

北路傅爾丹偕定壽一作丁壽馬爾薩至札克賽今圖作薩克賽河獲諜者言賊駐

察罕哈達兵不滿千距我軍三日程旋又獲偵者言博克托嶺有賊二千駝馬萬餘傅爾丹即遣參贊蘇圖副都統岱豪等以兵三千往勦定壽以兵千五百為援應自率大軍繼進六月己酉定壽

遇賊於庫列圖嶺一作庫列圖一作庫里野圖戰敗之斬四百餘級賊驅駝馬踰嶺遁

越一日定壽蘇圖與傅爾丹合兵一處賊兵二萬下高阜衝我營戰却之殺千餘壬子傅爾丹以賊據險不易爭移營和通呼爾哈

淖爾一作和通呼爾哈諾一作和通霍爾海一作和通淖爾定壽蘇圖及參贊覺羅海蘭副都統常祿西

彌賴一作錫據山梁之東副都統塔爾岱馬爾齊以兵二千據山梁

之西副都統承保居中策應公達福岱豪一作藏濠率兵前驅副都統舒

楞額土默特公沙津達賴護後營甫移賊犯山梁定壽等力戰忽
大風雨雹被圍傅爾丹遣兵救出塔爾岱遣承保援定壽圍三日
不解常祿巴賽查弼納馬爾薩舒楞額皆戰死海蘭岱豪定壽蘇
圖馬爾齊力竭自盡傅爾丹突圍出收集散亡得二千餘人還科
布多時岳鍾琪在西路聞耗急使紀成斌進攻烏魯木齊以分賊
勢賊已委城先徙矣

詔降傅爾丹為振武將軍以順承郡王錫保代之移科布營於察
罕度爾一作察罕以馬爾賽為撫遠大將軍屯歸化城是時準逆亦備

兵於烏魯木齊額爾齊斯河兩路九月大小策零謀乘勝東犯喀
爾喀以察汗度爾科布多皆有軍乃取道阿爾泰山南一由大

額爾齊斯河一作華額爾齊斯一由小額爾齊斯河一作喀喇額爾齊斯小策零以精騎六千

深入大策零率眾二萬屯蘇克阿勒達以為應兵郡王額駙策凌
與親王丹津多爾濟合兵禦之於鄂登楚勒一作鄂登楚克河遣六百騎挑

賊誘之來伏兵擊之大破其眾斬其驍將喀喇巴圖魯時議以察

新疆圖志

兵事一

七

罕度爾大營偏北而賊每遶山南東犯乃於推河翁金河及拜達
里克河一作拜他里克一作貝德勒克三處各築城三河並在賽音諾顏部與察罕度爾大營犄角

命馬爾賽以綏遠將軍移守拜達里克城以扼山南之衝十年七
月噶爾丹策零由北路大舉入寇繞避科布多察罕度爾大營取

道山南潛至杭愛山掠哲卜尊丹已胡圖克圖之地探知額駙策
凌軍赴木博圖山而塔密河一作塔密爾河一作塔米爾河為其帳所在突入襲之

盡掠子女牲畜而去策凌中途聞警斷髮誓天借諸蒙古兵二萬
反旆馳救并約順承郡王錫保會師夾攻八月己未師至額爾德

尼招一作厄爾得尼招賊逼河而陣我師夜半由間道出山後黎明呼噪而下
賊方酣飲不設備倉猝潰圍走我師追擊於喀喇森齊泊一作克爾森齊老今圖作阿拉

大戰二日賊大敗而西而西路援師竟不至策凌晝夜追擊轉
戰十餘次至鄂爾昆河一作鄂爾坤河之杭愛山古燕然山之南麓也右

阻山左偪水道狹路險馬不並騎我兵乘暮薄險蹴之呼聲撼山
谷賊眾數萬皆覆沒以無師截擊噶爾丹策零竟越山逸去額駙

策凌急檄馬爾賽於拜達里克河邀其歸路馬爾賽擁兵觀望縱之去事聞

詔斬馬爾賽以徇而順承郡王亦以玩寇黜爵別以多羅平郡王福彭爲定邊大將軍額駙策凌副之時岳鍾琪奏巴里坤西北四百餘里木壘河形勢衝要宜築城屯兵二萬截賊來路與巴里坤大營犄角從之會賊自烏魯木齊掠哈密鍾琪遣總兵曹勳拒之檄將軍石雲倬等邀賊歸路於南山口雲倬等遇賊弗擊縱其飽颺大學士鄂容安劾鍾琪擁兵縱賊

上命大學士鄂爾泰督巡陝甘經略軍務以張廣泗護甯遠大將軍廣泗奏言準夷專恃騎兵我必步騎兼用而後可以制敵岳鍾琪主用車戰以限戎馬非獨泥古而關外砂磧之地實非所宜木壘界兩山中形如釜底四面受敵非駐兵之所請移軍庫舍圖嶺旋復奏移回巴里坤並言洮賚一作洮賴一作陶賴一作討來一作桃來烏克克嶺一作烏可克嶺蒙古語烏可克小嶺也下嶺入兩崖爲賊南走要路應各置兵千五百度集察罕哈瑪爾爲西

新疆圖志

兵事一

八

來大路應各置兵千鏡兒泉噶順及烏卜圖克勒克並在巴里坤北賊或由沙磧或由北山悉可通應於鏡兒泉置兵二千噶順置兵五百烏卜圖克勒克置兵千又圖古里克特爾庫勒在巴里坤東北賊自阿濟必濟越沙磧來此爲孔道應各置兵千更於一切要隘設卡倫巡護牧廠哈密塔勒納沁亦增兵以資防守均報可十一年以查郎阿署定遠大將軍張廣泗副之查郎阿劾紀成斌曹勳疏防縱賊

詔斬以徇西路自張廣泗受任後壁壘一新屢創賊騎十二年大破賊於布隆吉聖武記作鄂隆吉爾一作布朗吉爾大坂準夷自是不敢東窺遣使請和朝議多主進討者大學士張廷玉言且撫爲便

上奉

聖祖密諭以賊巢逖遠我師往則我勞賊師來則賊困惟有嚴兵誘致邀擊爲萬全策而賊自上年大創後已遠徙不敢深犯念兩路大兵久暴於外遂降

旨罷征遣侍郎傅鼐等報之而北路之鄂爾昆河西路之哈密皆留兵屯田防戍自是西陲稍稍乂安乾隆十年噶爾丹策零死次子那木札爾嗣汗位童昏無行恣殺戮諸台吉攻殪之立其庶兄刺麻達爾札一作喇嘛而大策零之孫達瓦齊小策零之子達什達瓦則欲立其弟策妄達什準夷同族台吉以謀勇爲策妄父子兩世將兵數有功均爲刺麻達爾札所忌及策妄達什達什達瓦以次翦鋤達瓦齊遂與其黨阿睦爾撒納一作阿程爾奔哈薩克阿睦爾撒納者故拉藏汗之孫丹衷之子策妄阿拉布坦之外孫也爲人陰險狠戾多權畧見準部內亂乃搆使自誣而已乘其釁刺麻達爾札遣台吉將兵三萬追討達瓦齊阿睦爾撒納遁歸舊部簡精銳千五百由闐勒奇山路潛入伊犁誘其腹心爲內應襲殺刺麻達爾札以己爲和碩特種國人未附遂推達瓦齊爲汗有小策零之孫濟噶爾者一作濟爾噶爾與達瓦齊爭立各徵兵諸部國中大亂阿睦爾撒納復爲誘除濟噶爾而還達瓦齊於伊犁寢恃功驕橫襲殺都爾

新疆圖志

兵事一

九

伯特台吉達什脅降其子納默庫一作納默庫乃遷帳於額爾齊斯河與其同母兄班珠爾一作班珠爾爲和碩特台吉潛謀獨立於是令行三部侵掠伊犁邊境與達瓦齊相惡達瓦齊三遣兵討之皆不克十九年達瓦齊使其饒將瑪木特將烏梁海兵八千人自率精騎三萬同趨額爾濟斯河約東西夾攻阿睦爾撒納知不敵遂與納默庫班珠爾共率所部東奔畝關內附自準部內亂其宰桑薩喇爾一作薩拉爾暨杜爾伯特台吉三車稜等皆先後率衆來降上諭其衆心離畔預調西北兩路土馬屯邊至阿睦爾撒納三部來歸將乘時圖大舉雪兩朝夙憤而廷臣懲雍正九年和通泊之敗多以深入爲險惟大學士傅恒主用兵與上意合阿睦爾撒納之入覲也備言伊犁可取狀上喜之封爲親王旣而達瓦齊饒將瑪木特亦脫身來歸準部心腹爪牙盡爲我用遂定議明秋出師直擣伊犁阿睦爾撒納等僉言不若春時乘其不備一戰擒之並請先遣萬人屯田阿爾泰山

備餉以待大軍

上從之明年春正月丁丑以班第爲定北將軍阿睦爾撒納副之額駙科爾沁親王色不騰郡王成袞札布內大臣瑪木特爲參贊出北路取道烏里雅蘇台永常爲定西將軍薩賴爾副之郡王班珠爾一作薩喇勒貝勒札拉豐阿一作札朗豐阿內大臣鄂容安爲參贊出西路取道巴里坤兩路軍各二萬五千人馬七萬匹持兩月糧約會師於博羅塔拉河兩副將軍皆準部渠帥建其舊纛所至各部落望風崩角其同族台吉及舊回酋和卓木亦皆來迎降携酮酪獻羊馬絡繹於道兩軍以五月朔日會博羅塔拉河距伊犁三百餘里而達瓦齊在伊犁縱酒爲樂比聞大軍掩至倉卒徵兵潛竄特克斯班第率北路軍由固勒札渡口越推墨爾里克嶺一作特穆爾里克嶺永常率西路軍由喀塔克渡口越克特滿嶺一作扣們嶺同進兵五月大軍入伊犁準噶爾屬衆盡降達瓦齊走保格登我師踵至夜遣降夷阿玉錫等率二十餘騎偵道路阿玉錫卽乘夜建大軍纛突搗其營大

新疆圖志

兵事一

十

呼直入賊衆奔散達瓦齊以二千餘人宵遁踰冰嶺南走烏什投阿齊木伯克霍吉斯一作霍集斯準夷所善也而霍吉斯已陰受將軍檄卽執之以獻俘至京師

上御午門樓受之論功行賞首獎大學士傅恒贊策功加封一等公班第封一等誠勇公薩賴爾封一等超勇公阿睦爾撒納晉封雙親王食雙俸霍吉斯封郡王赦達瓦齊封親王

上欲俟事定後仍四衛拉之舊衆建以分其力而阿睦爾撒納早蓄異志必欲效綽羅斯渾台吉汗爲四部盟長以專制西域遂隱以總汗自居擅調兵誅殺擄掠不服賜衣翎頂不用副將軍印自用渾台吉菊形篆印移檄各部落諱其降自言統領滿漢蒙古兵陰使哈薩克布魯特流言非阿睦爾撒納總四部邊境不安將軍參贊密以聞有

詔促阿睦爾撒納至熱河行飲至禮班第趨之行令喀爾喀親王

額林沁多爾濟

一作額璘沁多爾濟

與偕旋奉

密旨乘其未發誅之班第以阿睦爾撒納就道時有哈薩克貢使與阿逆偕行恐驚疑生變不敢發阿逆知事洩沿途遷延至烏隆古河一作龍骨河距其札布堪河一作札堪河舊游牧處不遠乃詭言暫歸治裝額林沁縱之去乃由額爾齊斯河間道北逸迎其妻子於札布堪河時

上已密諭烏里雅蘇台軍營收其眷屬矣阿逆遣黨四出煽亂伊犁諸喇嘛宰桑劫掠軍台時大軍已撤僅留兵五百防伊犁班第鄂容安俱陷賊中由固勒札赴空格斯轉戰至烏蘭庫圖勒被圍死之副將軍薩賴爾亦戰歿西路將軍永常時屯烏魯木齊擁勁兵數千附近各台吉宰桑皆來會願聽驅策僉請兼程進剿而永常逡巡疑畏反退軍至巴里坤賊勢遂益猖獗

上聞之逮永常治罪以策楞代之額林沁縱阿逆遠逸賜自盡命玉保富德達爾黨阿爲參贊兩路討賊達爾黨阿奏言闐拉齊博羅布爾噶蘇台一作博羅布爾哈蘇兩處山險雪大阿逆既據伊犁必嚴守兩處

新疆圖志

兵事一

十一

以拒大軍擬從珠勒都斯一作著勒都斯一作裕勒都斯一作朱爾都斯進兵較爲利便廿一年春

正月大兵至特克勒河諜知阿逆僅距一程阿逆詐遣人報台吉

諾爾布擒賊將來獻玉保信之駐軍以待侍衛烏爾登一作烏勒登追至

庫隴癸一作庫隴奎嶺獲賊黨額林沁亦還阿逆遂遁去二月我兵至伊

犁阿逆已入哈薩克將軍參贊互相答託言馬力疲竭頓師不進

上以諸臣不足辦賊特命大學士傅恒馳往視師會諸台吉進討

未至復召還五月戊辰朔

上諭禡策楞玉保職以達爾黨阿專任西路哈達哈專任北路命兆惠自巴里坤赴援達爾黨阿師次雅爾拉左哈薩克汗阿布賚遣和集博爾根設伏山谷中佯敗誘我我師分部擊敗之斬五百七十餘級生獲十一人復追至努喇一作努拉擒大頭目楚魯克再敗和集博爾根獲其蠶礮斬三百餘級阿逆易服遁達爾黨阿縱楚魯克還諭其汗阿布賚縛獻而楚魯克詭辭代爲乞命並請寬期達爾黨阿信之按兵以待阿逆復竄去時哈達哈出北路至嵩哈薩

拉克山一作毫哈薩拉克偵哈薩克賊千餘由巴顏山西行擊敗之然不窮追

聽其遠逸準部諸台吉見兩將軍駭懦無能各懷叛志西師詩注呢瑪哈薩克錫拉皆已授職從

征見達爾黨阿為賊所賣笑其無能自哈薩克還復生變計適喀爾喀撒台變起綽羅斯特輝特二部及哈薩

克首先倡亂都統和起率索倫兵五百往勦檄吐魯番伯克莽阿

里克一作莽及厄魯特兵集闢展而噶爾藏名臣傳作噶勒雜哈薩克錫喇一作布

魯特台吉呢瑪一作呢瑪陰通輝特台吉巴雅爾詭以兵五百會和起見

兵至疑之莽阿里克給告曰我兵也逾時尼瑪等操戈前莽阿里

克自後謀至賊衆彙集和起手刃數賊中鎗死阿逆聞之自哈薩

克歸會諸賊於博羅塔拉河欲自立為汗準部復大亂達爾黨阿

等皆被逮賊殺策楞玉保於途定邊右副將軍兆惠以千五百兵

駐防伊犁聞變自濟爾噶朗河一作濟爾哈朗河轉戰而南戰於鄂壘戰於庫圖齊戰於達勒奇殺賊數

千二十二年春正月旋軍烏魯木齊諸賊麕至連晝夜數十戰步

行冰雪泥淖中履襪不完食瘦駝疲馬且將盡戊寅至特納格一作特納

兵少結營自固會天大雪霧以風驛傳聲息隔絕不相聞適

格爾今之阜康地

侍衛圖倫楚奉

命率巴里坤兵二千由間道來援以三十日至軍圍乃解兆惠既

得新兵復至穆壘河源往勦巴雅爾諸部並派兵在阿克塔斯烏

蘭烏蘇搜勦始回巴里坤三月

命定邊左副將軍成袞札布出北路右副將軍兆惠出西路同時

進勦會諸部落自相吞噬西師詩注諸將分南北兩路直指伊犁維時札納噶爾布殺其叔綽羅斯汗噶爾藏多爾濟欲并其衆尋又為台吉達瓦所殺而獻其首軍門加

以痘疫盛行死亡載道兆惠兵復長驅至賊衆烏合勢不能支五

月乙巳官兵追巴雅爾至塔爾巴哈台山後極險處奇徹布截賊

去路羅卜藏多爾濟等從東攻入奪險五處夜半巴雅爾遁我兵

追之至愛古斯兩路搜尋六月壬戌海蘭察追及之巴雅爾方引

弓海蘭察射中其肘占頰圖射中其頭乃被擒逆酋前後授首西師詩注

噶爾藏多爾濟被殺綽羅斯族殄滅無幾輝特巴雅爾亦以叛被誅和碩特汗沙克都爾濟心懷攜貳參贊大臣維爾哈善詞知異謀殲之於巴里坤外

月兆惠等窮追至左哈薩克阿布賚已與阿逆積衅且懼招大兵

乃遣使入貢誓擒阿逆以獻阿逆察有變率親隨八人徒步夜奔

新疆圖志

兵事一

俄羅斯將軍移檄索之會阿逆患痘死俄人獻其尸時總管端濟布搜捕瑪哈沁札哈沁守汛之得木齊哈勒拜與達爾札藏匿烏蘭烏蘇山內沙札海地乃率兵渡瑪納斯河掩襲賊於美羅托山賊覺而遁追殺百餘人至克伯訥克圖嶺詢知賊黨巴哈曼集等據瑪納斯河之小衛和勒晶率兵追入巴哈曼集攜百餘戶越大衛和勒晶嶺而逃七月辛卯朔侍衛烏勒登副都統三格等往捕札那噶爾布副都統職銜由屯貝勒旺布多爾濟等往捕尼瑪是日由屯兵至喀什河獲尼瑪屬人都噶爾札布命爲嚮導次日追至喀什河之阿爾察圖山口分兵兩翼擊之賊潰獲尼瑪及其妻子其屬下台吉等俱中箭死而札那噶爾布亦於六月中旬就擒壬辰參贊大臣明瑞次布昆哈瑪爾問知綽和爾烏喇特等糾合昂吉岱踞阿圭雅斯山中伏密林以待因遣兵截去路賊見兵卽逃追至葉克特里克嶺賊依山結寨石峯林立冰雪堆積攻之弗克因駐兵於明布拉克昂吉岱乘間遁沙喇伯勒九月準部之沙拉

新疆圖志

兵事一

十三

斯嗎哱斯降而復叛由察汗通格山竄海都河阻於水遂自喀喇呼珠至烏蘭和屯會合昂吉諸賊

上諭滿福由阿勒輝進勦以巴里坤辦事大臣阿里袞助之滿福至肯色嶺擊賊敗走有沙喇斯得木齊敦多克哈什哈瑪哱斯得木齊敦多克車凌者僞遣人乞降且言賊酋已就擒請除道迎滿福信之時我兵僅二百七十行次哈喇和落徑險林密下有深溝滿福悟爲賊所給急麾前隊反賊伏起圍滿福力戰受創墮溝中死明年正月

命兆惠等率兵四千勦厄魯特餘賊時賊衆分四支伺間出沒兆惠由博羅布爾富德由寨里木會師於伊犁賊衆紛紛逃潰匿庫隴癸山兆惠遣將戕其牧羣自率八十騎夜入山口勦之時曉霧彌漫叛黨布圖庫等脫走餘悉就殲富德聞哈薩克錫喇夜逸亦領兵二百越博羅呼濟爾嶺分爲兩隊追及於哈魯勒托羅海獲卓托魯克句得木齊句車隆句而翁罕十四世孫舍稜猶附逆不

降竄匿庫克烏蘇喀喇塔拉境將奔俄羅斯我軍尾及之於布什古河源射擒其從弟勞章札布舍稜詭約降戕副都統唐喀祿馳踰喀喇瑪嶺後歸額濟納土爾扈特牧三十六年與渾巴錫同來歸順 詔赦其罪四月叛賊輝齊鄂哲特等就擒兩將軍遂督兵進勦回部親王策布登布繼之又明年舒赫德阿桂等繼之於是歷年積賊剽掠台站之瑪哈沁與煽亂助逆之刺麻櫛比擒馘無復子遺準部始平乃未幾又有南疆回部之亂

回部舊汗者元太祖次子哈薩岱之裔也噶爾丹盛時南疆回部均歸役屬以昂吉管領各城徵其賦稅並質回酋阿布都實特於伊犁康熙三十五年噶爾丹敗後阿布都實特來降

聖祖優卹之遣人送歸葉爾羌是為霍集占兄弟之祖至其子瑪罕木特復為噶爾丹策零襲執幽之伊犁并羈其二子長曰布那

敦一作波羅尼都 一作博羅尼都次曰霍吉占一作霍集占即大小和卓木也乾隆二十年王師

既畧定伊犁釋大和卓木歸葉爾羌俾統其舊部而留小和卓木於伊犁阿逆之變小和卓木助逆為亂阿逆亡遁歸南疆時將軍

新疆圖志

兵事一

十四

兆惠遣副都統阿敏道一作伊敏圖 一作阿敏圖招撫回部大和卓木欲受撫而小

和卓木以助逆自疑阻謂受撫則我兄弟必一人留質京師為人奴僕不若乘此時圖立國且準部新定反側未安大兵不即來來則路遠饑艱我守險以拒可不戰以屈也遂自立為巴圖爾汗傳檄各城愛曼集士馬糗糧以抗大軍回衆數十萬戶皆靡然聽命惟庫車拜城阿克蘇三城阿奇木伯克鄂對等素悉小和卓木殘鷲險忍誓弗從奔伊犁告警兆惠命阿敏道率厄魯特兵二千馳往小和卓木已命阿布都益兵扼守庫車鄂對請待大軍至後進阿敏道不聽率滿兵百人赴庫車歿於陣鄂對還伊犁事聞

上命雅爾哈善為靖逆將軍二十三年五月雅爾哈善將滿漢兵萬餘率鄂對由哈密趨吐魯番進攻庫車大小和卓木聞之率烏鎗兵萬餘趨阿克蘇戈壁捷徑來援六月領隊大臣愛隆阿等迎擊於托和爾聖武記作和托爾誤藍翎侍衛達克他那誘賊至副都統順德訥逆戰張兩翼礮矢如雨注殺賊二千四百餘人庚午復戰於鄂根河

回語謂之烏恰特河擒斬千餘獲其大燾和卓木兄弟斂餘兵八百退保庫車城

我軍圍之鄂對曰賊必不株守困城勢將遁矣遁有二道一由城

西渡渭干河按渭干河即鄂根河之轉音或作渭甘一由北路口越戈壁請設伏兩要隘以待

雅爾哈善不為備二十四日薄暮有索倫兵聞城中駝鳴聲似負

重遠行者以告將軍雅爾哈善仍不為備是夜大小和卓木果以

四百騎潛竄西門出北山口遁西門守者副都統順德訥告將軍

昏夜不宜發兵天曉始遣百人追之不獲而還乃劾順德訥塞責

督將士并力攻城城依山崗以柳條間沙土築之礮擊弗入提督

馬得勝隧道攻城未及城二丈賊覺反塹其外實藁結焚之我軍

六百人燹焉將軍復劾馬得勝塞責八月守城回目阿布都一作卜阿都

突圍夜遁餘衆開門降事聞

上震怒誅雅爾哈善順德訥馬德勝暨參贊哈甯阿以徇軍書詩注云雅爾哈善等先以

迎勦霍集占殲衆奪旗回會免脫奏報至是沙雅爾城回長阿三和卓木乞降錄其供詞始將霍集占敗入庫車潰圍不得出後乘夜遁去諸將並未追擒情節歷歷叙明故詩云自責不知人違敢施國憲蓋憾之也時將軍兆

惠奉命來京自請留軍竣西事

新疆圖志

兵事一

十五

上壯之令移師而南大小和卓木自庫車奔阿克蘇伯克閉城弗

納給令赴烏什烏什伯克霍集斯給欸小和卓木圖擒縛以獻小

和卓木覺之奔葉爾羌大和卓木奔喀什噶爾小和卓木聞大軍

將至乃堅壁清野掘塹築臺刈田禾斂牲畜為老師之計十月已

未兆惠軍至葉爾羌陣城東奪其臺賊出精銳數百騎分路來爭

三戰三北遂入城固守不敢出城周十餘里有門十二我軍僅馬

步四千兆惠之來以馬步四千人先發留副將軍富德勦阿逆餘黨俟集大軍繼進兵少不能圍攻乃擇城東隔河水草

深處結營自固所謂黑水營也蔥嶺北河經喀什城外南河經葉爾羌城外土人呼北河為赤水南河為黑水故曰黑水營兆惠分兵

八百使副都統愛隆阿扼喀什噶爾援路偵知城南英峨奇盤一作英額

東渡黑水甫四百騎橋圮賊以五千騎突出截擊我兵方力戰步

賊繼至騎賊張兩翼圍攻於後隔河之軍既為所截而地復沮洳

不得馳騁且戰且退徒涉歸營陣亡將士百餘傷者數百人兆惠

左右衝突馬中槍再斃再易始得出總兵高天喜戰歿明瑞受傷

英格齊盤一作齊盤山賊牧羣所在謀襲之充軍實丙寅兆惠率千餘騎取道城

賊乘勝踰河來攻相持五晝夜適喀什噶爾賊黨至築長圍困我
庚午兆惠遣五卒分路赴阿克蘇告急賊決水灌營我軍預掘溝
以洩之得無害營依林樹槍礮如雨注均遮落於樹我軍反得鉛
丸萬億還以擊賊會布魯特掠喀什噶爾賊疑布魯特與官軍通
恐不利大和卓木使人議和兆惠曰不縛獻小和卓木有戰而已
我軍於圍中掘井得泉掘窖得粟三月不困賊駭為神助我師詩注先是
舒德赫得兆惠
撤取援兵割云營中有餘糧可支二三月為堅壁計自後回會或用雲梯或用決水皆為我師先覺應
手破之而營中繕備益嚴故困守雖逾時而人皆有固志至是馳報自將軍下逮介士並整暇如故云

朝廷以兆富兩軍將士勞頓命靖逆將軍納木札爾一作納穆札爾雙義詩注
云納木札爾先以都統參

贊北路軍務會擒喀爾喀叛雙義詩注將軍兆惠等猝被賊遮時愛隆阿拒河駐後兆惠自圍中
遣索倫二人間道傳語大兵未集可速回阿克蘇俟後軍一齊進援參贊三泰聖武記作三格按名臣傳三格係原任副都統廿二年因受布魯特台吉等之
逆青衰雜卜論功加封伯爵等統索倫察哈爾及

領鄂實總兵高天喜等同時陣歿並無與納木札爾率師往會兆惠之事聖武記作三格御製雙義詩序云納木札爾三泰適以奉差而往遇難而殉此雙義詩所由作也等統索倫察哈爾及

健銳營官兵往會兆惠令副都統愛隆阿速回阿克蘇以俟援軍

隆阿營使愛隆阿先還雙義詩注云時授納木札爾為靖逆將軍三泰為參
贊大臣之信兆惠已知之故亦令暫廻以俟後軍自與三泰奎瑪

岱率騎兵百餘乘夜進遇賊三千奎瑪岱死之納木札爾三泰俱

新疆圖志

兵事一

十六

中創殞於陣富德聞黑水圍急率北路兵千人索倫察哈爾兵二

千冒雪赴援廿四年正月庚寅至呼爾璪一作呼
拉瑪遇賊五千騎轉戰

而前行沙磧中五晝夜馬困敝人悉步行齒冰救渴九日渡葉爾

羌河距前軍三百里賊騎充斥不敢進適巴里坤大臣阿里袞奉

命以兵六百解送戰馬二千匹駝千隻愛隆阿赴援之軍千餘皆

夜至我軍得馬士氣復振遙望賊壘火光十餘里合軍往擊橫張

兩翼而進大呼馳薄聲震山谷賊猝不及防昏夜中不辨官兵多

少自相屠殺死者無數餘眾潰遁大和卓木脇中鎗眾昇之入城

我師詩注云富德報至稱本年正月初六日統兵行至呼爾滿遇賊騎五千應眾夾擊轉戰五日四夜會參贊阿里袞督解馬
匹亦至分翼斫陣眾創潰戮賊千有餘人餘悉負傷敗竄而遁會大和卓木脇中鎗傷賊眾昇之入城且潛回喀什噶爾矣我

師長趨而進兆惠見圍賊日少知援軍至備內應忽聞槍礮聲隆

然遙覘東方煙塵大起即勒兵潰圍出與富德軍合力夾擊殺賊

千餘盡破賊壘兩軍遂還阿克蘇初小和卓木乘黑水之圍遣其

黨圍取和闐六城已失其三至是兆惠檄副都統瑚爾起及巴圖

濟爾哈爾率偏師馳救至伊里奇賊望風遁馳抵哈拉哈什乘天

大霧直搗賊營遂復其城

御製詩所謂博羅齊行者也

和闐賊遁詩序和闐為回部扼要重地所屬六城曰伊里齊哈拉哈什玉隴哈什三城百計抵禦以待援師其餘三城力不能支復叛降賊兆惠等解圍後即遣副都統巴圖齊爾哈爾瑚爾起等分兵馳

札布噶布舒及回長鄂爾伯克等往招歸順繼大軍被圍小和卓木遣賊黨往攻和闐齊凌札布噶布舒等分守伊里齊哈拉哈什玉隴哈什三城百計抵禦以待援師其餘三城力不能支復叛降賊兆惠等解圍後即遣副都統巴圖齊爾哈爾瑚爾起等分兵馳救望見賊營時值大霧彌漫我師乘勢奮勇直前衝擊賊其渠魁阿布都海里明年六月兆惠由烏什取

喀什噶爾富德由和闐取葉爾羌各率兵萬五千人明瑞率前鋒

千餘騎先進兩和卓木懲葉爾羌之敗震讐天威聞王師分路進

攻遂棄城驅人畜逾葱嶺西遁

御製詩論道會兩和卓木我軍威於大兵未至葉爾羌喀什噶爾二十日之前已離集遠竄

初兩和

卓木之南歸也舊部數十萬戶念其先世推誠愛戴而小和卓木

虐用其民厚斂淫刑衆心解體故其出亡也舊部罕從之者二酋

欲赴巴達克山

一作拔達克達

一作浩罕

一作放罕各遣使往而霍罕不

報乃赴巴達克山閏六月辛丑明瑞率前鋒千餘騎追至戰於和

什庫珠克嶺

一作霍斯庫魯克

其地即葱嶺之巔有黑龍池周數百里回

語謂哈喇淖爾即釋典所謂阿耨達池也

一作阿賴楊芳

屯兵即此地也賊匿其輜重婦

女以精銳六千伏谷口而羸師誘我我軍僅九百騎奮勇仰攻轉

新疆圖志

兵事一

十七

戰三時斬馘五百賊逃至阿爾楚爾兩山峯頂以待我師富德與

霍集斯等統中軍參贊明瑞阿桂為左翼參贊阿里袞巴祿為右

翼又益以奇兵援兵隊各為二別遣侍衛額爾登額等分率巴圖

魯兵二隊備四路應援而領隊齊凌札布殿後奇兵先奪其左右

兩山俯瞰下薄賊陣稍動我軍三面乘之追攻廿餘里斬其驍將

阿布都克勒木等奪獲器械無算我兵傷者纔一卒耳

御製詩注茲役也我兵馬步統計不

過三千人勦逆回四千餘衆擒斬者已過其四之一而助逆渠魁數十人并隨陣殲之逆酋黨惡殆盡是為阿爾楚爾山之捷七月己未至伊

西洱庫爾河乃巴達克山界也兩涯皆山大和卓木以家屬保河

西嶺為走計小和卓木以萬衆據北山決死戰富德令阿里袞等

由南岸趨西嶺自率兵攻東峯賊踞高臨下我軍仰攻不得利乃

選銃手數十人緣山北巔俯擊之阿里袞陣山上以火器遙擊賊

據北山麓狹而逼水輜重徒屬相擁塞我兩軍又分扼其走路賊

無所遁乃令鄂對等樹回纛大呼招降降者蔽山而下聲如雷動

小和卓木手刃數人卒不能止降者萬有二千兩和卓木挈其妻

孥僕從數百人走巴達克山小和卓木之擁衆而西也怒巴達克山酋素爾坦沙不親迓斬其使素爾坦沙忿而興兵拒戰於阿爾渾楚嶺一作阿爾渾楚嶺縛布那敦而以兵圍霍集占賊退保齊那爾河素爾坦沙以其屬進戰賊不能支傷背及膀擒之囚於柴札布柴札布者巴達克山繫囚處也富德遣使者往諭令獻俘進軍瓦汗以待之素爾坦沙乃殺霍集占函首以獻並以全部納款稱臣

上御午門受俘馘凱旋將士行抱膝跪見禮兆惠富德進爵酬庸命爲御前侍衛大臣諸將士獎叙各有差其勳績尤著者圖形紫光閣死事諸臣均予旌卹並立石勒銘於伊西洱庫爾淖爾以昭武功今其碑僅存斷趺和什庫珠克以西之地亦歸俄屬非復昔日力征經營之舊矣先是自庚辰戡定西疆之後伊犁築城堡墾田疇回部則減賦薄征視地大小險夷各駐以大臣戍之防卒以烏什介於阿克蘇喀什噶爾之間爲回部適中地慮阿奇木伯克霍吉斯反復不易制

新疆圖志

兵事一

十八

詔召入京師以阿布都拉代之阿布都拉者哈密回部貝子玉素富之弟也

朝廷以其久內附故授是職俾監其衆阿布都拉故暴戾無親其屬役多哈密回民相助爲魚肉勒買布糧馬牛攘其壯者而以倍值售其羸者辦事大臣素誠一作蘇成酗酒宣淫時留諸伯克妻於署使兵役驟逐爲樂衆心憤懣無所訴會征運沙棗苛役回民因相聚謀亂有奔告阿布都拉者阿布都拉叱逐之回民避亂者相率走辦事大臣署素誠復拒之不納烏什小伯克賴里木圖拉一作阿拉衆五百餘夜縱火焚掠殺阿布都拉素誠自戕時乾隆二十九年

二月也阿克蘇副都統卞塔海

一作弁塔海

聞變入告

烏什戰圖補詠詩注烏什卡倫官全福等聞城中變急投阿克

蘇報知卞塔海卽據以入告時方自杭州廻蹕卽於行舟批答並籌度調兵諸機宜

卽率兵赴援烏什回衆爭開城迎卞塔海揮

銃擊之城復閉時城中爲變者僅數百人若布以誠心解散脅從必有縛渠魁以獻者而卞塔海庸懦無謀竟以礮攻城迫衆從逆賴里木圖拉揀馬步二千拒戰卞塔海敗走連敗庫車大臣鄂寶

之兵喀什噶爾參贊大臣納世通率兵至惶遽無措賊益張伊犁

將軍明瑞兼程赴援申明軍律賊始懼死守不敢復出烏什戰圖補詠援師詩序云阿克蘇喀什

噶爾與烏什相倚角應援最近而下塔海與駐喀什噶爾之都統納世通雖亦領兵往救但二人素未經戰陣無益於事時明瑞聞而統兵赴援兼程進至則申明軍律并方攻城賊始困窘因疏劾下塔海

納世通庸妄乖謬諸罪狀皆伏誅悉故詩序納世通下塔海平時妄自尊大凌虐諸回素為眾怨所集且下塔海初至烏什城下不事詰問輒施鎗礮以攻及賊

出拒復怯而敗走納世通繼至亦茫然不知所措賊益逞其負隅之勢明瑞詢察得實騰章入告與相琨所奏悉合因各按其罪重懲之賊潛遺其黨巴布敦聖武記作求援

於霍罕之厄爾德尼伯克並以詭語煽亂所過諸城遠近洶沸回

衆多乘機謀為亂庫車伯克阿那雅爾置酒饗衆以利害大義相

責陰遣人縱馬收軍械人心稍定喀什噶爾阿奇木伯克噶代默

特傳語布魯特諸部謂叛逆者祇烏什一城布魯齊里克齊遂誘

執巴布敦以獻布魯特稱其會謂之類賊外援既絕我軍復斷其樵牧賊勢益

孤烏什城南倚山面河森林叢翳如列屏隔河礮不能及自五月

至七月屢攻未下賊糧絕馬饑折屋而爨撤茅而飼俘仆枕途巷

賊計窮夜出拚死襲我營賴里木圖拉中箭死賊舉其父厄塞木

圖拉為阿奇木悉衆死守會一夕賊盡伐城外樹雉牆豁露明瑞

新疆圖志

兵事一

十九

擒驍銳六百夜薄其城登陴毀堞奪擊獲大勝攻堅詩注烏什初變明瑞赴援復令尙書阿桂馳驛往會之彼時以烏什

最爾孤城又無外援易於收復毋庸悉銳進攻輕撓鋒鏑致多傷我士卒因諭令嚴急攻圍待其勢窮力蹙乘機取之賊既窮窘乃益固守不敢出明瑞等以時屆秋令師旅不宜入羈乃簡巴圖魯六百餘中夜攜雲梯分道潛往薄城兩隅東北隅先登賊未覺挺

刃交下賊狼狽即舉火招繼進者又循牆自北而東南悉墜有之毀其垣探施鎗箭巨石俯擊賊無算後以天明收軍未即得城賊衆憂悸有沙布爾者烏什之

舊商伯克謀縛厄塞木圖拉詣軍門納欵獻城賊遂內潰八月甲

午明瑞入城盡戮其黨亂始平於是奪其城堡悉歸諸官厚駐重

兵立為都會自是南北兩疆放牛歸馬無復西顧之憂矣乃越五

十餘年而南疆復有張格爾之變

張格爾者大和卓木布那敦之孫也大和卓木死其子薩木克自

巴克達山逃匿浩罕生三子張格爾其次也以誦經祈福傳食各

部落奸回假餽和卓之名斂財煽衆譎言蠶起時承平日久諸回

城辦事領隊大臣寢肆腴削而阿奇木伯克以供給為名苛征浮

斂喀什噶爾歲斂赤銅錢八九千緡所用赤銅普爾錢一當內地之五葉爾羌萬餘緡和

闐四五千緡土產氈裘金玉緞布索需尤鉅章京伯克皆飽私橐

而以十之二奉辦事大臣各城大臣不相統屬又距伊犁將軍遠

威福自出甚或廣搜回女更番入值奴使獸畜回民睚眦仇視積怨入骨髓嘉慶十九年孜牙敦之案枉誅圖爾第邁莫特其子阿仔霍奔塞外憤煽其種人圖報復嘉慶二十五年八月張格爾糾布魯特數百人寇邊有頭目蘇蘭奇者入報章京綏善叱其妄逐之蘇蘭奇憤而從賊張格爾糾阿仔霍集衆三百餘入塞燒毀圖舒克塔什卡倫戕副護軍參領音德布陣亡滿兵十餘人領隊大臣色普徵額率兵敗之次日官軍尾及塞外遺炊尙然賊兵不過二十騎使兼程追之賊成擒矣乃竟回軍喀城與參贊大臣斌靜宴中秋節斌靜誅俘賊百餘人滅口而已

上命伊犁將軍慶祥往勘盡得斌靜貪婪淫虐狀奏聞褫職以永芹代之道光四年秋張逆自阿賴糾衆二百焚烏魯克卡倫官兵傷亡三十餘人遊擊劉發恒擊敗之賊竄卡外五年夏張格爾屢糾布魯特掠近邊遣人詐降勾結四百餘人爲亂奈曼一作納木干在喀什噶爾西七百餘里部落不從七月竄雅薩克糾汰劣克等謀犯喀什噶爾或言張格爾窮蹙僅存十餘人永

新疆圖志

兵事一

二十一

芹檄領隊巴彥巴圖率兵二百往捕踵至塞外都爾伯津不見賊乃縱殺汰劣克一作汰妻子及其游牧百餘人而還汰劣克忿甚率所部二千追圍山谷中力戰一晝夜官軍半死傷巴彥巴圖歿於陣賊遂猖獗十月永芹病故以慶祥代之大學士長齡爲伊犁將軍六年夏五月張格爾遣頭目赫爾巴什糾合綽羅薩雅克愛曼諸族爲我軍所獲其耕種雅爾者設伏殲之六月張格爾率安集延布魯特五百餘人出開齊山突至阿爾圖什拜其先和卓木之墓回人所謂瑪雜也距喀什噶爾城八十餘里慶祥檄協辦大臣舒爾哈善等率兵往勦殺賊四百餘人賊退入大瑪雜官兵圍攻之適夜雨昏黑賊突圍走各城回衆響應旬日萬計慶祥盡調各營卡兵還守哈城烏凌阿穆克登布禦賊於渾河先後戰歿賊進圍喀城七月

詔授伊犁將軍長齡爲揚威將軍節制諸軍烏魯木齊提督達凌阿伊犁領隊祥雲保分統滿漢官兵前往會勦楊遇春以欽差大

臣統陝甘兵五千人山東巡撫武隆阿統吉林黑龍江馬隊三千人均出關參贊軍務賊圍攻喀城慶祥嬰陣固守先後斃賊萬餘而彼衆我寡援兵不卽至八月己巳賊潛掘地道陷城慶祥率兵民巷戰力竭自縊以殉諸城多從逆英吉沙爾葉爾羌和闐相繼失陷賊分兵東犯庫車烏什均戒嚴賊出伊勒都東距阿克蘇八十里參贊大臣長清飭參將王鴻儀率兵六百人戰於都齊特斃賊多名賊麕集陷圍中彈藥盡王鴻儀及千總岳振太均戰死賊逼渾巴什河一作渾八升河而陣距城四十里長清遣額爾古倫擊敗之會伊犁烏魯木齊援兵至兵威稍震賊糾喀什噶爾和闐回衆六千屯聚渾巴什河南岸長清命參將存柱王登科分兩路進達凌阿巴哈布亦督兵會勦斃賊無算賊突以偏師渡托什罕一作塔什干一作達失于又一作塔里干河猛撲協領都倫布營以伏兵絕我軍援路副將郭繼昌破擊之時額爾古倫統錫伯兵防河與郭繼昌同赴援奮前搏賊都倫布見之內外夾擊賊衆大潰死傷及生擒者千數百人陣斬賊首庫爾班素

新疆圖志

兵事一

二十一

皮賊自是不敢窺河北東四城始獲安十月張逆遣賊目扼守柯爾坪糾南北兩莊賊三千人協力以抗官軍柯爾坪距阿克蘇三百里山路崎嶇中隔戈壁提督楊芳分兵兩路抄賊後副將胡超由中路進搗身先士卒徒步直前搏鬪我兵呼噪乘之賊衆披靡追殺十餘里至大舍子卡倫外盡殲焉張逆既據西四城乃以賊目約霍普爲僞和闐王長齡檄阿克蘇伯克阿奇木日伊薩克偵和闐賊勢離間黑回各伯克獻城反正和闐伯克伊敏故黑帽回也張逆以黑回非霍集占族虐待之黑回切齒伊敏乘間聚回民二千殺百餘賊擒約霍普以獻會大雪封山官軍未卽至城復陷上命長齡兵分奇正兩路進長齡疏言正兵由臺站奇兵由烏什草地繞出喀城惟烏什卡倫外抵巴爾昌山溝險狹戈壁數百里經布魯特部落半爲賊煽孤軍深入兵分力單相去二十餘站聲息不得通達非計之得也且喀城賊衆數十萬非大兵并力中路不可

詔從之七年二月壬子長齡整軍西發持十日糧庚申次巴爾楚軍臺喀葉分道處也留兵三千以防南路繞襲之賊戊辰次大河拐未見賊糧罄將士請速戰時賊衆五萬聚洋阿爾巴特是夜以三千人潛襲營擊敗之賊沿途掘溝坎決河灌道師行戈壁中反得水濟士馬次日抵洋阿爾巴特賊衆二萬陣沙岡上互五六里我軍分三路長齡楊遇春將中軍武隆阿居左楊芳居右同時進撲賊據岡下壓者再大軍爭奪岡而上賊衆披靡擒斬逾半盡得其軍器牲畜糗糧濟師辛未至沙布都爾莊葦湖沮洳樹林環繞賊衆數萬憑長渠自固渠外暗掘坎陷橫阻騎兵我軍以槍礮連環迭進賊亦以槍礮拒之不少動長齡揮步卒躍渠猛撲接以短兵馬隊由左右淺渠渡橫截入陣賊營火藥轟我軍乘之槍矢雨集安集延大頭目色提巴爾第桴鼓促戰馬甲貝洪阿抽矢注射應弦而踣賊衆始潰追逾渾水河三十餘里擒斬萬計賊騎數千突出西北林中楊遇春擊敗之復以礮擊潰河西馬步二千援賊

新疆圖志

兵事一

二十二

是役也陣斬回逆大頭目素丕卡克安集延大頭目占巴克色提巴爾第三人後二日賊數萬據阿克瓦巴特依岡背河癸酉我軍列陣而往距城五十五里見牛羊蔽野賊騎數百皆反走知爲誘兵嚴戒勿掠勿追距賊十餘里止營乃夜遣哈浪阿一作哈明阿阿勒罕保率吉林勁騎千人分探左右間道出賊後次日壓賊壘而軍騎兵張左右翼川陝步兵居中賊踞岡上排雁翼陣以待我軍賈勇施槍礮賊佯敗誘我我軍連環進擊乘風放噴筒賊馬隊冒火突煙乘勢下撲長齡令籐牌兵衣虎文衣躍蹕而前馬駭反奔岡後有紅衣賊目麾伏兵起而吉林勁騎已繞出回城後拊賊之背矣賊前後受敵勢不支分投狂竄我兵越沙岡分途追殺斃賊三萬餘生擒數千斬安集延二酋阿瓦子邁瑪提及阿渾那爾巴特追至洋達瑪河距喀城八十里搜勦沿河回莊餘賊殆盡乙亥進兵渾河北岸賊悉衆阻河而陣互廿里築橫壘蔽之穴壘列銃鼓角聲震天地勢張甚長齡遣死士數百夜擾其營謹囂達旦次夜三

鼓時西南風起折木揚沙天霽晦長齡以賊據形勢衆寡不敵恐昏晦中爲所乘欲退屯十餘里須霽而進楊遇春不可曰此天贊我也昏暈中賊不辨我兵多少且客兵利速戰難持久乃遣索倫兵千騎繞趨下游牽賊勢而自率親兵從上游驟渡據上風以扛礮轟賊礮聲與風沙聲相搏若百十萬兵壓至乘勢衝入賊壘賊衆崩解三月丙子我軍乘勝復喀城時賊衆運喀城大礮未至又無調度不知犄角襲伏之術惟厚集兵力於一隅故一敗則全軍皆覆張逆已先遁僅獲其甥姪及安集延僞帥推立汗薩木汗並從逆之伯克數人而已報入

上嘉其克復功嚴飭追捕張格爾毋任遠颺庚辰楊遇春復英吉沙爾辛卯日進兵葉爾羌次倭巴侍衛阿布都爾滿說其城阿渾伯克迎降縛獻賊目烏舒爾巴凱等十一人別遣楊芳勦和闐和闐回衆縛獻賊首約霍普投誠而張逆復遣賊目噶爾勒玉努斯率安集延兵暨朶蘭一作憐蘭回千餘攻陷之戕殺迎降之阿渾穆圖巴拉父子糾衆數千以拒官軍楊芳至毗拉滿賊列陣以拒楊芳督

新疆圖志

兵事一

二十三

馬步進擊潛以精騎繞北沙山抄賊後賊軍有花衣賊目者執紅旗揮衆死力抵戰我軍前後合擊賊漸不支突賊騎五六百出東南沙山後刀矛交加勢甚厲吉林佐領富爾松阿怒馬陷陣攫花衣賊目噶爾勒賊失其渠陣大亂官軍四面乘之殺二千餘人擒斬逆酋玉努斯乘勝抵城下舊時伯克皆開城降西四城定奏入上以張逆脫逃棄前功留後患奪長齡紫韁楊遇春武隆阿太子太保少保銜張逆之出竄也欲投浩罕浩罕不受竄赴木吉六月楊遇春楊芳率兵八千人出卡追捕諭各部落擒獻者賞爵郡王金十萬兩楊芳屯兵阿賴楊遇春屯兵色勒庫爾阿賴者葱嶺之脊脊以西水皆西流喀城赴浩罕道也時張逆由木吉奔拉克沙又奔達爾瓦斯之藏堪七月楊芳追勦至塔里克達坂遇賊匪二千人伏兵山上彈丸紛注協領都凌阿參領郭全軍中鎗陣亡協領壽昌奮力仰攻副將郭繼昌督軍直上擊斃紅衣賊目三人賊始敗退分路兜抄斬獲千人

上以殘匪損我兵甚衆而久未得張逆蹤跡所在老師糜餉甚非所宜命暫留兵八千擒拏張逆餘俱凱旋長齡奏言回民素崇和卓張逆卽擒其兄弟之子尙在浩罕終爲後患我今僅以八千留防塞外兵勢太孤不若赦回曾布那敦子阿布都里使總轄西四城庶維人心省兵力亦安邊之一策也武隆阿亦以爲言

上怒褫長齡武隆阿之職均留任九月命直隸總督那彥成授欽差大臣代長齡籌備西事時張逆由藏堪竄庫蘇傳食諸部落十月二月間大兵撤防謀乘間搶踞喀城長齡密遣黑回出卡縱反間言喀城空虛回衆均翹首以望和卓張逆遂糾布魯特步騎五百餘人乘除歲潛襲喀城長齡楊芳嚴兵六千以待甲戌張逆由開齊山舊路潛入阿木古回城黑回四百餘持械要拒賊知有變反竄出卡楊芳分兵三路追及喀爾鐵蓋一作坎爾山殲賊二百賊率死黨三百餘騎舍命衝突楊芳遣馬隊潛抄賊後領隊阿勒罕保由兩路躡之賊竄山溝我軍圍勦擊斬殆盡馬賊三十騎擁張逆越

新疆圖志

兵事一

二十四

山迷路滑境仄乃棄馬攀登總兵胡超都司段永福等徒跣追及山巔生擒之八年正月庚戌捷聞

詔封長齡二等威勇公楊芳三等果勇侯均世襲罔替並賞戴雙眼花翎解賜

御用珍物胡超加提督銜賞騎都尉世職並賜翎管搬指荷包其餘將士賞賚有加五月檻送張格爾至京郊勞受俘內地勦賊不獻俘惟外夷獻俘舉行是典勒

碑太學及喀爾鐵蓋山是役也用兵三萬六千有奇用帑銀千餘萬兩張逆旣伏誅那彥成檄諭浩罕縛獻逆裔家屬浩罕不從上以逆孥不足爲邊患

敕那彥成嚴守卡倫絕其貿易計窮財困當自獻仇以求市也那彥成盡逐夷商出卡沒其貲產諸夷憤怨奉張格爾兄玉素普爲和卓糾結布魯特安集延數千人入寇參贊大臣札隆阿不爲備十年八月甲午聞警始令幫辦大臣塔新哈赴喀浪圭一作哈朗歸副將賴永貴以兵千六百赴明約洛一作明瑤路禦之賊以輕兵誘我入險伏

兵起截其後全軍覆沒賊勢遂猖分擾喀什葉爾羌各城札隆阿奏聞

詔伊犁將軍玉麟參贊容安迅調兵馳赴援固原提督楊芳甘肅提督胡超同兵出關勦賊

命大學士威勇公長齡爲欽差大臣督辦軍務旋復授爲揚威將軍哈朗阿楊芳參贊軍務時璧昌爲葉爾羌辦事大臣僅有兵六百聞警徙商民城內傳集諸伯克諭以禍福協力守城選派回兵分防科熱巴特西通喀英二城亮噶爾一作亮格爾西南通色呼庫勒巴爾楚克東通樹窩子諸要隘兵各二百益回兵三千人部署甫定賊來犯璧昌檄回兵千餘屯回漢二城之間官兵四百陣東門外翌日賊驅馬步萬餘來撲我兵併力擊之槍礮齊施斃賊數百擒入回城之賊三百餘賊衆潰走我兵陣亡一人回民五人是役也回漢一心以少破衆而阿奇木伯克阿布都爾滿之力爲多奏入

詔賞璧昌副都統銜將士分別獎勵賊竄舒克舒回莊官軍追至

新疆圖志

兵事一

二十五

科依喀察爾鎗斃布魯特十餘人奪還所掠人畜賊衆遂奔而賊之攻喀什噶爾者札隆阿督隊出城三戰皆捷毀其礮臺時英喀二城雖被圍困而諸回伯克皆厭亂故與官軍協守無貳志從逆者惟霍集占家奴朶蘭回戶而已然朝脅暮散截路奪掠而已時援兵不卽至伊犁參贊大臣容安領步兵四千五百餘抵阿克蘇觀望延宕致喀英城圍久不解各回城子女玉帛搜括殆盡

上震怒褫容安職逮問以哈豐阿代領其衆十月賊以馬步千人聚葉城東北亮噶爾莊璧昌使阿奇木伯克阿布都爾滿決大河渠上游斷賊路辛卯副將任貴邦守備黃泰把總羅延分隊迎勦阿布都爾滿率回兵助戰賊騎涉水將抵南岸任貴邦礮擊卻之卽率兵渡北岸賊首先遁官兵追殺四十餘里斃賊三百人奪獲鍋仗旗械甲辰西路賊千餘騎自英吉沙爾犯葉城十一月乙卯環城而陣相持五日哈豐阿率援兵三千五百至直薄賊營璧昌揮兵接戰大敗之賊衆西遁庚申日追敗於喀拉布札什擒斬數

百焚回莊匿賊五百沿途追殺十二月抵英吉沙爾賊聞風西竄我兵踵至喀什噶爾札隆阿胡超哈朗阿楊芳相繼至賊鼠竄出卡外立解英喀兩城之圍奏入

賞哈豐阿雲騎尉世職進勇巴圖魯名號將士以次獎叙有差浩罕聞大兵將三路進討乞援俄羅斯俄人不納乃遣三頭目求市長齡奏言安邊之策振威爲上羈縻次之浩罕八城諸夷善騎馬專恃劫掠布魯特哈薩克諸族受其欺虐爭求內徙果欲聲罪致討簡精銳三四萬人傾巢掃穴可立待也惟自喀浪圭至浩罕千六百里中隔鐵列克嶺爲浩罕布魯特交界兩山夾河僅容單騎路險師勞不若寄信開導爲相機羈縻之計

詔從之浩罕喜過望遣使來抱經請盟通商納貢有喀城叛弁譚祿者先叛降張格爾繼降浩罕至是同使來磔死壁昌曰回疆之吏職稱司收回羊也罕浩狼也魯布特守我藩籬譬則犬也六年十年浩罕再犯塞犬亦隨狼食羊故其吠聲亦不足信而欲以夷

新疆圖志

兵事一

二十六

制夷不在知己知彼哉